




城池圖







縣署圖




五部系六



學宮圖





閩縣全圖

入廣宗界

至廣宗縣五十里
至廣宗界四十五里

蘇家庄

范家庄

合義

西舖上

東廟上

麟兒村

閻家庄

鄧家橋

李村
東
西
日村

霍洪村

田禾

陳家庄

董園

新漳河久經乾涸

八馮馬
四里馬

三河東

張家庄
鞏家庄

董家庄

高車渠

東馬砭
西

五馬魯

東河村

魏家庄
閻家庄

舖上
趙家庄

小疇村

姚家庄

至鉅鹿
界四十五
里至鉅
鹿縣六
十里

流渠
馬屯

辛召

三河鎮

西河村

大疇村

五座樓
八周天

東田園

新漳河
倉淤滅

大宋
馬康

四漢康
老五張庄

官庄

灣子

常河鎮

東位
中位
西位

黍黍園

小宋
游家庄

尉家庄

東劉庄

趙村

大張村

盜

張范

谷家營

劉家屯 前葛村

寺頭

節園店

三楊村

東田庄

五岳屯

霍林寨

小張村

立庄

東尹村

南北周章

尹村橋

游召

徐里庄

夏生橋

東家橋

李家庄

李家庄

五里疃

杜科

亭西口

平鄉城

北村

南柴村

舊家村

重義疃

李家庄

徐里庄

微馬庄

平鄉城

北村

南柴村

白家村

捕庄

李家庄

五里疃

杜科

亭西口

平鄉城

北村

南柴村

北李莊

德家庄

李家庄

五里疃

杜科

亭西口

平鄉城

北村

南柴村

大年庄

德家庄

李家庄

五里疃

杜科

亭西口

平鄉城

北村

南柴村

大年庄

德家庄

李家庄

五里疃

杜科

亭西口

平鄉城

北村

南柴村

大年庄

德家庄

李家庄

五里疃

杜科

亭西口

平鄉城

北村

南柴村

大年庄

德家庄

李家庄

五里疃

杜科

亭西口

平鄉城

北村

南柴村

入任縣界

至任縣界三十里
至任縣六十里

至南和縣五里
至南和縣十里

落漢河
自南和縣
入境

至雞澤
界五里

至雞澤
縣十里

境入縣雞自河陽

大老官

西羊寨

馬頭寨

北村

南柴村

胡家庄

下疃

大老官

西羊寨

馬頭寨

北村

南柴村

胡家庄

下疃

大老官

西羊寨

馬頭寨

北村

南柴村

胡家庄

下疃

大老官

西羊寨

馬頭寨

北村

南柴村

胡家庄

下疃

大老官

西羊寨

馬頭寨

北村

南柴村

胡家庄

下疃

大老官

西羊寨

馬頭寨

北村

南柴村

胡家庄

下疃

大老官

西羊寨

馬頭寨

北村

南柴村

胡家庄

下疃

大老官

西羊寨

馬頭寨

北村

南柴村

胡家庄

下疃

大老官

西羊寨

馬頭寨

北村

南柴村

續脩平鄉縣志序

治邑於殘破之區難矣志邑
於遺闕之餘則尤難當搶攘
未定之秋慮有流離則保聚
宜亟防有伏莽則稽察宜嚴
其事固較要常為倍劇而要

之成法可師舊章可倣其有
不必拘泥者又可因時審地
而以吾意為之是循職者猶
能自勉未足為難也若見閭
莫及之事問掌籍於史胥半
成蠹簡訪遺踪於父老多有

異詞又况偏隅之措設不盡
登於卷冊也一節之可風不
盡顯於衆口也此而明廣搜
勸訪追述無遺即有博聞強
記之士猶憂難之况在未
嘗學道者倦逸耶余於因治

二年夏叨令平邑甫下車存
觀風問俗之意索邑乘讀之
慨其曠廢不修者百有餘年
矣其時邑經失守東寇未靖
方汲於繕城垣清保甲舉
國練以為保障計無暇克心

文献也越三年境内安歲比
稔邑之孝產李君乾運與二
三同人進而以修志請余自
顧卑鄙因以任之難勝辭而

李君等則懼夫日久而事益
湮沒謂此舉為不容緩余乃

謹之即於六年春設局採善
爰集邑之紳耆分寄以搜集
先語於衆曰邑志者邑之史
也昔韓昌黎論作史之難
存於天刑人禍蓋以失實為
懼也今邑志雖祇記善不同

史之兼記善惡而或任濫得
美名詎非誣乎所冀諸君子
一秉至公善有可稱毋畧微
賤而遺踈遠善無可述毋諛
富顯而私姻親庶幾免於鬼
責人非而亦無肉疚矣衆聞

而共然之凡所為採錄者罔
不兢々然以求其實不數月
而草創粗就適有莖臬擒匪
之踵擾傳聞者逾年今秋巨
寇蕩平乘暇裒集始歲厥事
斯役也體式沿舊製前事遵

原文而品評稱述一體諸衆
論其編次則多出因事諸人
之手是余祇受成而已亦何
難之有耶雖然刪訂錯訛時
叅已見詳定義例自出主裁
而一善之紀一事之書亦必

再三詢考知有可據始錄於
篇區々之意竊有自見為其
難其慎者蓋溯其所不知而
紀其所可紀亦聊以備文獻
之徵已耳或田志之所載詳
風土明制度表賢孝顯循良

亦即滌斯邑者之治譜也余
於此則有憬然思而慙然愧
矣既授梓爰叙事之始末於
簡端

同治七年歲次戊辰仲冬月
望日

欽加運同銜知平鄉縣事加五級

靈川禾邨氏蘇性撰

重修平鄉縣志舊序

郡邑之有志由來尙矣周官小史掌邦國之志春秋傳所稱周志鄭書是也外史掌四方之志則晉乘楚檮杌魯春秋是也今天下各省之志爲四方之志而畿輔之志則邦國之志也古者天子省方率五年一舉春日岱秋日華夏日衡山冬日恒岳其畿內則歲與吏民再相見也厥後巡狩時闕廼命太史採風以詔於王王於是乎審風俗出政教十五國之詩具在而首曰二南其軒輊固有在也且志者志天之文志地之理志人事之成敗志世數之沿革下

及一民一物一草一木昆蟲鳥獸魚鱉纖悉必志是上以備一人間俗之典而下以佐百執事之述職其有裨於省方采風之遺意詎不重歟我

國家統一區宇六合同風幅幘之廣亘古所未有

列聖相承重熙累洽典謨訓誥制度文爲視前代特爲精密康熙雍正間

屢詔天下修志郡邑統於省省復爲通志上之史館以爲大一統之採擇以垂億萬年之成規

聖天子高居九重將欲體國經野修政立教明其剛柔燥濕之

宜悉其通塞險易之勢可按籍而考也然則

國史者列國之志之統會郡邑之志未始非

國史胚胎也維茲平鄉以九域視之僅彈丸黑子而已而地屬衛境宿列昂分近復隸

邦畿千里之內其風淳其俗樸地可耕而人多率教喁喁然

皆嚮風慕義亦三輔之一良邑也其可志者足供摭摭顧

自康熙十九年前令卞公重修迄今已七十餘年矣其間

廢興沿革仕蹟人材蓋闕如也不及早續輯將愈久而愈

難搜羅其不致淹沒而弗彰者鮮矣而僕曩在關中三蒞

巖邑兩攝方州待罪十有餘載修志之役亦數經矣繼以憂去乾隆十二年冬來令茲土甫下車亟欲纂著因辦理軍需馳驅八閱月嗣復連委大差今歲之春

駕幸

江浙又奉

檄承辦差務幾無晷刻暇抵署後爰進邑之

紳士而謂之曰修志久塵予懷今獲少休盍亟襄之僉曰

唯又商之學博士鄭君君固廣川知名之士而好事文翰

者亦領之以助予之不逮

僕

亦拊摺簿書廣搜博訪昕夕

參訂不濫不遺未三月之久而其志成易舊志編年紀事

之體爲綱八爲目五十有二哀然成帙以授之梓非敢好

異其體式然也私心竊自幸而乃猶有慮焉

國史爲

朝廷之書其於褒貶予奪賢奸忠佞大書特書釐然其不爽
邑志出有司之手善善長而惡惡短多獎藉而闕黜陟使
觀之者無炯戒之心而生冀倖之念亦奚可乎雖然前事
者後事之師也往古者近今之鑑也俾官斯土者覽志中
名宦若而人曰必若此而後爲良有司也而心忤忤然動
矣產斯土者讀志中列傳若而人曰必若此而後稱名臣
高士也而心必油然而興矣他如風俗如何而稱爲醜美

文藝如何而推爲高潔必有欣以羨者亦必有退然而色沮者則斯志也寓懲創於褒美之中假予奪於取裁之外使覽者有所觀感而興起焉未必非世道人心之一助也是爲序

乾隆十六年歲次辛未七月既望知平鄉縣事括蒼楊喬
撰

重修平鄉縣志舊序

五雲蓮渠楊侯有重修縣志之役囑余爲之副而校訂焉
志成公既自爲敘而予亦得附數言於簡末竊謂邑之有
志卽周官遺意周官內史掌邦國之志外史掌四方之志
下至閭胥族師黨正亦歲月有書焉此縣志所由來也雖
然縣各有志而獨平鄉之志有不可以概論者平邑民淳
俗簡有上古遺風惜乎老成凋謝文獻缺如片紙貴於璠
璣一節重於千鈞取人爲善雖小必錄非悉心搜羅則湮
沒無聞矣茲役也事取其備而義取其嚴總期無失乎厲

世磨鈍之意焉科第仕宦前代以來雲蒸霞蔚至

國朝則幾於景星慶雲忠孝節義自舊志康熙十九年以後
泯滅者幾七十餘載昂畢災祥變於上沙沼漳溢變於下
城署增修橋閘興廢考其源委紀其時日其亦有慨然於
乘天因地創制垂範之意者乎

先聖之追贈加隆 闕帝之祭奠彌尊其他設壇建祠秩祀
攸關攤丁省徭物蕃風厚若是者皆宜考實徵信以傳後
世至職官立政或樹千秋坊表或被雅化一時振古爍今
亦當圖其不朽豈可不急思論定以記風烈之實乎哉舊

志編年規模非不宏遠但事跡多畧且散漫無所統繫茲則一變舊例體遵記傳爲綱八爲目五十有二事無未備之紀義無假託之端非敢輕變前人亦期與人爲善感發其一念之性真云爾雖然地無大小因人而變風氣欲開則人文起而應之自然之理也我

國家培養士類久道化成良有司與賢舉能菁莪樂育而一時沐其教者果能砥行立節以自見於

聖明之世平雖小邑將蒸蒸然有起色矣此志之作將以徵周官遺意而問胥族師黨正之書由此升於史館以揚作

人之烈也余與楊侯共拭目以望之

乾隆十六年歲辛未七月既望平鄉縣教諭棘津鄭廣緒

撰

重修平鄉縣志舊序

古今之遙可陳牘而知也天下之大可按籍而見也誰爲
爲之曰有志也志者何曰即史也古者列國各有史秦漢
而下郡邑例得爲志以志時事然志事矣而不志年非史
也而且門類紛錯載記淆雜是兔園冊耳非史也余見而
心竊疑之顧生茲三戶鄉知識寡昧弗敢輕議一日友人
劉子鼎以灤州志見示其書創自養吾陳公編年而繫以
事條貫歸一易於省覽至于事宜詳載不便瑣贅于年之
下如建置田賦之類者則別爲一卷而各年之下止書大

綱間有考究弗審仍須訂正者則爲附遺爲存疑爲辯誤于各卷之後其文直其事核其義嚴而正其言質而有徵蓋深得乎史之意而善變乎志之體者也余見而心竊善之以質諸邑侯趙公芙溪公曰志不欲繁繁則猥瑣而不整亦不欲簡簡則缺畧而難備若茲之體裁獨創詳畧得宜觀止矣可以爲師而廣文胡先生來訓暨邑人張君國棟史君翼經張君明圖李子之實王子鳳岐李子昌黃子師雲復力贊之侯曰唯唯遂于政事之暇節畧往乘採訪時事筆者筆削者削而定格摛藻一以灑志爲準若乃品

鴈褒揚則集輿人之月旦本生民之懿好一切適莫不與焉凡三閱月而書成將以授梓余見而心益竊有感矣夫士君子一行作吏百憂感心萬事勞形僕僕簿書期會之不暇而遑計其他若邑侯以館閣鴻裁製錦彈邑四年以來修明締造口不勝碑復能於游刃餘閒究心文獻振舉九十年不傳之廢典以儒術潤飾吏治南陽潁川之最績不于此畧見一斑也哉則茲志非志也並非史也卽邑侯之循良傳也余于是嘉其事而喜爲之序

康熙十一年壬子小春邑人趙培基題

重修平鄉縣志舊序

平鄉縣志自明萬歷之癸未年爲江都周司訓所纂輯迄今九十年矣崇禎戊寅燬其邑之三老子弟家間有缺文甲申之難又燬於是斷簡殘帙悉盡矣乾隆八年予不佞承乏茲邑自巴山來其時水潦初落覩茲鶉鷄噉粥之不暇遑他及乎客歲備兵使者暨襄國太守自北來傳督憲公命諭以去邑之繁費冗役予謹承嚴命今夏徂秋幸五風十雨柴關啓鹿車入粟繁黍穰顧茲色喜長日餘閒乃進諸父耆耆舊而謀之曰邑之有志猶國之有史也善惡

於是乎備勸戒於是乎存顧可缺畧而弗彰也耶邑在邢
州之東偏漳水環流太行在望每一登高峯巒迴疊南望
清河肥水即破釜沉甌處也北仰

神京則

天威不遠顏咫尺焉東接堂陽西顧水井三臺念魏文貞宋

廣平之餘烈猶有存者至於俗尙然諾喜氣節雖平原大
陸之地氣使然然而吞炭屠狗之遺風依稀見之茲欲裁
抑其偏芒而一出於中正俾聞善而興見惡而戒則禮文
誨勉之力顧可緩乎今喜得殘稿於明經張君家且邑中

諸博雅君子或掛冠投閒或鵬飛暫息咸萃於此予不佞亦欲賦田園荒蕪之詞三者一失則難圖也而可緩乎第亟營之無需於民僉曰諾乃設局於桂月八日訖事於十月望日謹序

康熙歲次壬子嘉平月吉旦西蜀彭門趙弼題

重修平鄉縣志舊序

志何爲而作之哉自輜車罷遣誥誦罔聞而郡縣陳風爰
取於志編年紀事鉅典攸闕是必詳畧得宜按籍如覩以
不失乎作史者之遺意豈其徒襲虛文漫然率筆而曰志
如是是亦足耶平邑爲順屬葺爾僻處東隅密邇濁漳而
士習絃誦農服稼穡俗頗淳樸云唯是乘載寥寥一燬於
明季再燼於鼎初以故不若諸邑之分條析類蒐擇靡遺
蓋有自己逮我

皇上龍飛之八年前令趙君弼始做灤州志自甲申迄於壬

子闢舊增新考訂刊布詞簡而義盡事核而實著誠合乎
史法善乎志體已獨操左券於前也其誰得而易諸顧纂
輯之後又復八載歷年以來賦役保無增減者乎制度保
無沿革者乎灾祥可勿紀乎凶稔可勿書乎窮村僻巷節
烈隱逸之流并可不必錄乎則修明缺畧表章風化是又
有司者之責也畏不敏承乏茲土三年拮据靡甯懼不克
勝任茲遵憲諭續修縣志平邑風俗建置已備前編唯於
壬子後採見聞之最確者斟酌定當屢勉踵成而一以舊
志爲準然畏待罪已久數年間目擊漳流泛溢水澇頻仍

大約灾荒飢饉之文居多以致請蠲請賑時屢

聖天子之殷憂而恩膏下渙部使星馳婦子歡騰共沾德澤
後之覽斯志者當思

聖德如天蕩蕩難名雖深居簡出尙切民依屬在臣工責司
恬養其可不留心吏治曲計興除以毋負

朝廷任人牧民之至意乎既志既竣復爲言以弁諸簡端時
康熙十九年歲在庚申中秋前三日知平鄉縣事襄平卞
三畏題

舊序

平鄉縣屬順德九邑之一相傳邑舊多水患土俗民風視他邑亦不遠甚載籍亡散僅存不及他邑什之二三爾坐是邑乘失傳由來漸矣執事者病之誠缺典也哉先是邑侯翔吾何公首重此舉創意剏修維時以其事付之學博周陶二君暨二三庠士輩相與搜閱編摹漸次成帙未卒業何公報陞周陶二君亦相繼去事因不果良可慨夫已卯夏余承乏茲邑悼文獻之从湮嘉前修之未竟即欲罷勉踵而成之紹厥遺緒然以政務方殷因循歲月有志而

未逮也癸未禩郡伯王公興衰飭治起做維新一時城垣
廟學悉從鼎建規模氣象改觀昔日殆霄壤矣尤惓惓注
意文獻援郡志而更修刊布用垂不朽一日余以公家事
謁公臺下公正色以邑志訊余且責成焉余唯唯退而擬
晉吾遺稿與教諭思溪徐君謀徐君博雅君子也不以余
爲不佞且仰承王公意慨以是事事焉考訂叅互繁者芟
之譎者正之詞簡事該要之歸於約當如指掌然殫日夜
之力凡閱月而稿成投余錄以呈公所公閱曰可遂捐俸
需材俟明春和鳩工鋟諸梓是刻也始於癸未冬初竣於

甲申夏初嗟乎天下事顯晦有時振滯不偶理數然也平
邑載乘寥寥湮滅歷年不知凡幾十矣一旦揭然修著皆
郡伯王公一言激成之力也隨覩洛者思禹功後之君子
知所自焉則公之功大矣豈偶然耶因僭書之以識歲月
萬歷十二年孟夏吉旦知平鄉縣事海豐王應謹序

舊序

司訓江都周君元治所輯志稿二本手授邑博合肥徐公
繼芳如例筆削君遂斟酌損益闡舊增新分類爲七分卷
爲八既成將梓侯乃遣焦生爲光張生守謙等持幣屬余
序余匪佞罔克辭因歎曰志者史也修惟艱哉昔左氏三
子傳春秋人猶病其涉於誣短俗者誠哉志之難修也雖
然孔子曰吾之於人也誰毀誰譽如有所譽必有所試斯
民也三代之所以直道而行也夫直道在人求其當而已
他何計哉廼闕茲志事覈而靡浮辭直而靡徇義正而靡

刻體格辨而有裁詳而中繁如某也賢能某也孝廉某也
節義緣名求實卓有奕跡有得乎子長遺意後之讀茲志
者必將曰某也果賢能某也果孝廉某也果節義非虛辭
也思古慨今寧不勃然感悟比例而興觸類而起者乎其
爲風化之助豈小小哉徒備一時之文獻而已耶草創萬
歷癸未十月梓竟於明年甲申五月江西按察司副使郡
人毛朮謹序

平鄉縣志重修目錄

卷首

凡例 修志姓氏 目錄 疆域圖 城池圖 縣

治圖 學宮圖

卷一

星野

斗樞 辰 胃昴畢 災祥附

卷二

地理上

疆域 形勝

建置沿革

城池公署倉庫郵舖城鎮市集里社鄉村附

壇廟

祠坊附

卷三

地理下

學校

義學附

山川

橋梁附

古蹟

陵墓附景

卷四

典禮

朝賀

秩祀

迎春

耕藉

賓興

鄉飲酒禮

鄉約

卷五

田賦

地畝

戶口

錢糧

稅課鹽
筭附

保甲

遞馬

物產

風俗

卷六

職官

官師

防汛

封爵

卷七

選舉上

薦舉 進士 舉人 恩賜 貢生

卷八

選舉下

例貢監生 武進士 武舉 掾仕訓術附 武職

襲蔭武職附

封贈戚職附 宦官

卷九

人物

仕蹟 忠節 孝子 義行 隱逸 仙釋 列女

卷十

藝文上

傳記

卷十一

藝文中

記疏序賦

卷十二

藝文下

詩

平鄉縣修志姓氏

明

萬歷十二年

知縣何允升

知縣王應

教諭徐繼芳

訓導周元洽

陶

國朝

康熙十一年

知縣趙弼

陵水縣知縣邑人趙培基

康熙十九年

知縣卞三畏

乾隆十六年

知縣楊喬

教諭鄭廣緒

訓導劉萬鎔

典史魯秉乾

採訪

舉人齊正

史懷仁

貢生賈汝礪

張錫緯

羅嶷

劉廷柱

劉懋能

鄭元福

王寅

黃道正

生員李學文

馬儼

李光祖

張宗思

監生夏體仁

潘滋

同治七年

知縣蘇性

教諭吳曾榮

訓導呂有志

平鄉縣志重修姓氏

纂輯

平鄉縣知縣蘇性

參定

儒學教諭吳曾榮

儒學訓導呂有志

協修

舉人李金相

馬廷琛

潘肯堂

拔貢李之芳

校字

廩生張柄謙

梁繼晉

生員王廣訓

張家驊

採訪

貢生齊聖清

倪青雲

並校字監刊

趙心和

翰林院待詔

張範中

並校字監刊

候選主簿

張玉桂

鴻臚寺序班

潘珏

候選主簿

劉懷貞

廩膳生潘

喆

並校字監刊

張蘭亭

董嶽

朱得鹿

游文炳

生員董起旺

張玉珂

王作礪

賀登雲

平鄉縣志增修凡例

一舊志分爲綱八目五十有二今於選舉門增入恩賜又於文藝門增疏而刪詩餘計目五十有三其封爵之舊列選舉門者改列職官門醫學等之附職官後者改附掾仕後餘俱從舊即將後事分類續入

一乾隆十五年以前事蹟多依舊志原文就中亦有一二修補訂誤者如天文叙入太白經天地理不詳滏河諸開並選舉門列封爵而封爵中記鄧侯之類要必確知有垂義例及衍文訛傳方敢有所增刪

乙亥縣志 卷一
一考之史書傳記有與舊志不同者在舊志相傳已久或有所本則仍存舊文爲之附疑於後以俟博雅者考正其凡附管見者俱以按字別之

一前志於歷代星變惟屬昴畢方載以此爲邑境分野之故嗣記

國朝所見彗孛並不指明宿度似與邑志無涉且垂舊例今刪之以免淆雜至乾隆以後星變雖有傳聞因未知是
否有闕昴畢姑一律闕之

一舉貢中之有文行及職官中之有政蹟者似宜別爲文

學名宦等目方免混淆但其人其事俱屬不多舊志即於選舉職官中在各名下記述其人梗概以省繁文今仍從舊就簡

一人之善稱蓋棺論定如其人現存則暮年之進德改操俱難預定故當前雖有稱爲懿行美才者概從緩載

一節婦之已經奉

旨旌表者此當如選舉之類無論存亡俱備書之至未經旌表各婦其堅貞夙爲鄉里推重自應發潛闡幽搜羅登錄即或其人尙存而年例已符又有採訪人結保則

事同一律自不忍有所區別致沒苦節

一舊志載有考職監生自乾隆年以後邑中監生並無坐監考職近年籌餉有減成收捐之例因之流品漸雜人數較多實有不勝載者故概從闕畧至由諸生捐貢及援例報捐入仕之人仍從舊例續入

一舊志距卞公重修時甫七十餘年其中職官典史自雍正年以上已因典籍闕如僅存十一今距楊公修志時計百有十七年爲時更久則職官選舉及人物之有關遺俱由文獻莫徵之故閱者諒之

一邑志之有藝文宜取其有關於邑之風土人物制度者方可採錄舊志因當時文藝太少登選過寬中有泛載官紳詩文今查其最無關涉者刪之以明作志體例至增入後來各詩文務本此意採取不敢效尤也

一郡邑各志多紀勝景此雖無關體要亦足爲其地生色舊志缺此今儒學吳呂二君共以增補爲言因取其足以遊目騁懷之區列爲八景加以註釋附記卷末

靈川蘇性禾村氏識

平鄉縣志卷一

平鄉縣知縣靈川蘇 性禾村纂輯

教諭霸州吳曾榮泐生

參定

訓導常山呂有志荔菴

斗樞 辰 胃昴畢

按九州之地或繫北斗或繫五星或繫二十八宿所謂星之與土以精氣相屬也考北斗第一星曰樞爲冀州主星縣在禹貢冀州之域故於斗主樞五星當中一星曰辰主燕趙代縣趙地故于五星屬辰二十八宿中昴畢爲趙分

野月令章句自胃一度至畢六度爲大梁之次帝王世記
自胃七度至畢十一度爲大梁之次晉書天文志鉅鹿入
昴三度趙郡入畢八度明史天文志胃四度至畢六度廣
平順德皆昴分平鄉距郡僅八十里其當主昴星無疑若
胃與畢則其所自所至之度也

災祥附

漢光武建武十五年有星孛于昴獻帝建安五年亦如之
後帝建興十五年秋七月大水舊城壞

晉愍帝建興二年大饑

殺二升銀一斤
肉一斤銀一兩

成帝咸康二年又

饑粟二斗
銀一兩 穆帝永和六年太白入昴

宋文帝元嘉六年月行掩昴

唐明宗天成二年大有斗粟十錢

宋太祖建隆元年大水漳河決平地深二丈真宗大中祥符
年徙縣城卽今治仁宗慶歷三年雨赤雪

金主亮正隆五年十一月癸卯夜有白氣入危昴間

元世祖十八年閏八月庚戌太陰掩昴二十年二月庚寅
亦然十月丙申太陰又犯昴仁宗延祐三年秋七月己
亥至治元年十二月庚戌二年正月丁丑亦如之順帝

元統二年雨毛如線至正二年饑三月發鈔萬五千錠
賑之明洪武元年正月彗見昴畢之間成祖永樂二年
遷山西民來附籍憲宗成化八年大饑人相食十八年
大水入城漳河東徙孝宗宏治十四年九月地震有聲
武宗正德七年劉六劉七大掠縣境八年黑眚見世宗
嘉靖九年蝗大疫民多死十年星隕如雨十四年大水
九月有星如斗後列群星百數自西北流入東南頃之
天鼓鳴十五年十月星隕如雨地震有聲三十二年正
月元日晝晦如夜秋大饑人相食四十二年秋大水平

地丈餘室廬盡漂四十五年大饑發帑粟賑之神宗萬
歷三十年漳河徙入滏陽熹宗天啟二年至六年地皆
震大水漳溢沙洛皆溢懷宗八年大水漳河東徙始濬
小漳河十三年大旱數月民相食十四年又饑草根樹
皮皆盡婦人挿草自鬻至有骨肉相食者疫賊並作僵
尸滿野十五年大赤風天赤如血石獅生白毛十七年
晝常晦大風霾上丁祭不克成禮

國朝順治元年六月土寇陷城大水入郭八月寇平三年六
月天鼓鳴五年大水郭門六敵樓皆壞自縣境舟行直

達京師秋地震十二月山東土寇至常河鎮城守戒嚴
六年境內八橋皆拆斷阻水爲固寇縛梟宵濟將犯城
適順廣道遣兵迎擊大敗之殺溺死者數百七年冬河
水凝如花九年至十一年皆大水十二年夏麥秀兩歧
十三年三月天鼓鳴于西北十六年三月大雪康熙二
年八月地震十月水滄麥苗三年夏無麥四年秋大水
七年六月地震九年正月辛巳早雪晚雷十七年七月
大雨雹十八年七月地震九月大水十九年三月饑三
十四年四月地震四十七年旱蝗大饑四十八年大饑

五十六年三月望日大黑風六十一年大旱饑雍正元
年四月初七日大風傷禾秋疫氣流行死者無數四年
蝗七月大水八月地震九年旱十一年大水乾隆二年
七月二十五日雨雹傷廬舍田禾五年三月狼狽散處
民間幼稚有爲食者七年五月二十六日至六月初五
日大熱人多暈死二十四年春夏無雨七月大水鎮西
隄決五十七年饑五十八年大饑嘉慶六年大水鎮西
隄決漂沒墳墓無數七年端午大雨雹十七年饑十八
年大饑貧民多鬻子女二十年歲大熟道光元年歲大

熟疫氣流行三年大水七年三月末雨雪十年四月大雨四日水淹麥田閏四月初五日大雨雹二十一日酉時地震房屋多倒塌十四年七月大水城東河決城西隄決二水勢合冲塌北關護城隄二十五年旱開倉賑卹二十六年正月火光遍野既而微雨始息二十八年大饑米一斗價值二緡咸豐七年八年俱旱蝗食禾且盡十一年六月山東邱縣土寇竄擾縣境大肆殺掠同治元年十二月東省教匪至境二十七日陷邑城焚署劫獄旋遁去除夕燐火遍野二年二月賊疊入境蹂躪

殆遍八九月間賊敗狂奔竄過邑境三次四年正月十
三日雨雪雷鳴聲震數百里六年六月間土寇犯境其
後往來數次殺傷多人焚民舍數百間十二月寇平七
年正月豫匪北犯橫亘數十里賊火相望分股竄擾邑
境城守戒嚴二月底匪敗回竄復經故道六月蝗蝻集城
南柴口村外寬十餘畝旋有黑雀羣集食盡七月寇平

平鄉縣志卷二

平鄉縣知縣靈川蘇 性禾村纂輯

教諭霸州吳曾榮泐生

參定

訓導常山呂有志蒞菴

地理

自井田廢而郡縣分沿革之故代有不同然因土產盡人力以頒職事而待政令則大都小邑無以異也平鄉建邑已久至魏因太平鄉始改今名由宋末元明以至

國朝爲順德屬邑延袤數十里滄沼廻環左右襟帶人民醇

厚托業而居亦云盛矣至於隨時修葺未雨綢繆順民志
宣闡澤政事舉而教化興是在因地制宜者志地理

平鄉縣志卷二 地理上

平鄉縣知縣靈川蘇 性禾村纂輯

教諭霸州吳曾榮沛生

參定

訓導常山呂有志荔菴

疆域

平鄉自帝高陽氏屬冀州堯命禹治水自冀始至衡漳大陸按今縣境當是泲水之北大陸之南歷虞夏及商祖乙九祀由耿遷邢始爲邢地周成王封周公四子爲邢侯襄王十七年衛滅邢考王九年衛入趙於平鄉置南緣城秦

始皇二十六年改邢州爲信都縣遂隨信都隸鉅鹿郡漢高帝元年楚項羽改信都爲襄國徙趙王歇爲代王立張耳爲常山王治襄國遂爲襄地武帝改置襄國爲趙國桓帝改置趙國爲廣平國南緣爲慶陶縣屬廣平慶陶城相傳在艾村西然形跡泯滅不可考建安十八年封曹操爲冀州刺史遂隨廣平入魏後主建興十五年大水城壞延熙元年魏徙置縣城改名平鄉按舊志縣西北大老營卽其故址晉成帝咸康元年趙主虎遷都鄴分置襄國趙郡遂屬趙郡安帝隆安四年魏以趙郡屬定州齊武帝永明

五年魏置南鉅鹿郡屬殷州隋文帝開皇元年省南鉅鹿郡屬洺州十年復置邢州仍屬邢煬帝大業三年改邢州爲襄國郡唐高祖武德元年復以襄國郡爲邢州置平鄉爲封州尋復爲平鄉縣屬邢州太宗貞觀元年隸河北道肅宗至德二年復以邢州爲襄國郡乾元元年又改襄國爲邢州代宗廣德元年分相貝邢洺爲相州大歷十一年屬昭義節度使昭宗光化元年朱全忠遣葛從周攻陷邢州改屬保義軍天佑十三年晉王李存勗自將拔邢州改屬安國軍宋真宗大中祥符徙置縣城卽今治也神宗熙

甯六年省縣爲鎮屬鉅鹿哲宗元祐元年復置縣宣和四年改邢州爲信德府遂隸信德府高宗建炎四年金改信德府爲邢州端平元年金亡入元省宗城縣併入平鄉至醇祚十二年復割武道鎮置廣宗縣元世祖中統三年改邢州爲順德府至元二年改府爲路明太祖洪武元年又改路爲府

本朝因之屬順德府東西廣五十里南北袤四十六里東抵廣宗威縣界四十五里南抵雞澤縣界六里西抵南和縣界五里又西抵府城八十里北抵鉅鹿縣界四十二里東南

抵威縣界六十一里東北抵鉅鹿縣界四十里西南抵南和縣界五里西北抵任縣界二十里至保定府省城六百餘里至京師一千里

按一統志慶陶漢之縣名屬廣平國晉屬鉅鹿國後魏改爲平鄉縣又畿

輔通志後魏景明二年改置平鄉縣考二說俱以平鄉爲後魏改名惟舊志所記屬之曹魏不知何據且邑在曹魏版圖而記以蜀漢延熙年號其意似欲存正統而究有乘事實但舊志相傳已舛姑仍之而附辨於此

形勝

東控堂陽鉅鹿西連冰井三臺爲天雄信都之孔道山左山右之通衢平衍坦蕩無嶺隘險塞然滏陽之水綿亘境內上接洛陽下達河海伏秋二汛浩瀚奔湍守土者勿謂

帶水而遂忽諸

建置沿革

平鄉古南織城周考王時趙置也齊伐晉取織即此其後南徙故加南字漢桓帝時改名慶陶今縣東十五里艾村傳其故址然無可考漢建興十五年大水城壞徙置改名平鄉相傳舊址在今縣西六里大老營宋太祖建隆元年漳河決城壞真宗大中祥符間徙置縣城即今治明正統六年知縣邱陵增修築護城隄成化元年知縣王濬重修週圍三里二十三步高三丈廣二丈池深一丈濶二丈正

德五年知縣馬思聰改建六城門南曰來薰北曰拱極東南曰迎旭東北曰捧日西南曰寅餞西北曰眺霞七年知縣丁懲重修隆慶六年知縣何允升設城內夜巡十鋪曰縣前鎮東定西綏南撫北竭忠罄誠忠靖務本節用增修城垣腳濶二丈二尺高二丈一尺建角舖十二座甕城六座磚堞一千六百九十五個十年知縣王應重修葺城門敵樓懷宗八年知縣江衍汶重修濬城河增築郭城七里有奇九年易六城門以鐵建郭門敵樓

國朝康熙元年知縣張應麟濬城河六年修六城門吊橋自

是以後七十餘年雉堞盡廢乾隆九年知縣周連登畧爲補葺然而僅存土牆隨多坍塌不足以資防禦按舊志內載十四社分段管修用民力也乾隆十三年知縣楊喬以工鉅費繁民力難支估計造冊詳請發帑興修不報道光二十八年知縣張光第以工代賑挑濬城河但因二百餘年未經修繕其城垣門樓早已塌廢無存而頽垣散土隨雨傾瀉城河亦旋淤淺所遺基址先成平地或爲民房侵占或因取土成坑同治元年十二月教匪闖入由無城也二年知縣蘇性查照康熙初年借用民力舊章議派畝捐

重築七月興工四年六月工竣城垣週圍五里基厚二丈
二尺頂收一丈二尺高二丈一尺垛牆高五尺計高二丈
六尺礮臺十三座全用版築城門敵樓各六俱砌以磚門
包以鐵每門建窩舖一座添濬城河廣三丈深一丈二三
尺不等增建六吊橋板築法每板約長七尺寬五寸厚二寸兩端鑿孔以葦編繩貫入就地栽
檄繫板內外夾護加土方築遞至四層始將下一層板從
外截葦脫出層遞而上又一法內外分栽長杆束板以築
事較簡便然不如前法築成堅緻附
記於此俾後之修補者有所考云

縣署在城西南隅始建於宋真宗大中祥符年間元祐七
年立縣令題名碑於儀門內明洪武七年知縣王藻重建

正統二年知縣邱陵重修天順八年立戒石於儀門內宏
治十五年知縣唐澤正德五年知縣馬思聰七年知縣丁
懲萬歷五年知縣何允升八年知縣王應

本朝順治四年知縣陳一新康熙二十八年知縣張碧五十
三年知縣張機俱重修雍正八年地震後日就傾圮至乾
隆十二年知縣陳文言十三年知縣楊喬相繼增修始得
完固

大堂三楹知縣王藻建捲棚三間知縣楊喬修知縣韓濤
重修嘉慶六年知縣江淑桀十四年知縣李景岱道光十

七年知縣周昌奇俱重修同治三年知縣蘇性續修

戒石銘係牌坊一座在甬道上同治三年知縣蘇性重修
儀門三楹東西角門各一楹

大門三楹知縣楊喬修咸豐七年知縣馮襄重修

大堂後宅門一座門外東西小房各一楹門裏東房二楹
又東房後北房二間東房二間同治三年知縣蘇性增建
宅門裏西房三間

二堂三楹知縣張碧張機陳文言俱重修嘉慶二十四年
知縣翟慎行道光十七年知縣周昌奇俱續修同治三年

知縣蘇性補葺二堂東小房二間舊有亭一座今廢稍後有退廳三間廳前東西小房各二間知縣陳文言建舊名冰藻堂嘉慶十四年李景岱重修改名知非堂道光三十年知縣孔慶銓增修同治元年賊入全燬三年知縣蘇性重建廳屋捲棚各五楹東房三間西房四間

三堂三楹東房二座各三間西房二座各三間知縣楊喬增造三堂東牆外旁房三楹小房二間同治三年知縣蘇性新建三堂西旁屋五楹又小房三間

住宅門一座內正中三楹東邊一楹樓一座又東房二座

各三間西廂房三間又二間知縣陳文言增造今全廢同治四年知縣蘇性於宅地偏東新造東屋三間小房一間偏西北修造北屋三間西房二間

署西馬廐土房三間槽道五間知縣楊喬重修同治四年知縣蘇性重修

大堂東庫二間架閣庫樓一座稍後庫書房二間堂西東房三間俱知縣楊喬重修同治七年知縣蘇性重修

大堂東吏戶禮倉承發科房十間西兵刑工招糧科房十間甬道東西舊有皂隸班房各三間今廢皂隸房二間移

建西角門側

監獄在儀門外西首監牆二重內重犯房三間輕犯房二間養病房一間火夫房二間另院女犯房二間牆外禁卒房二間俱係知縣楊喬新修乾隆五十一年知縣韓濤嘉慶五年知縣江淑渠道光元年知縣蔡元禧十五年知縣沈如潮咸豐六年知縣馮襄俱重修

民壯班房三間舊在大門外西首久廢

快手班房三間舊在大門內東首久廢

臨街照牆一座知縣楊喬於大門外增建一座道光年間

知縣蔡元禧撤臨街照牆移建大門外同治五年知縣蘇性重修

縣丞署今無

主簿署今無

捕衙署在縣堂東外門一座廳三楹廳西皂隸班房一間
邊廳三楹典史魯秉乾建東西土房六間馬房一間內宅
正房五間東西房各三間日久圯廢咸豐二年典史趙元
章借助民力重修改置大門一間正廳三楹後廳三楹旁
屋四間退廳三楹內宅正房五間耳房二間東西房各三

問

察院行署舊志洪武八年知縣李健建在小東門內久廢
今造常平倉

太僕寺行署舊志洪武年間知縣袁實建在縣治西今縣
署西相傳有營房地三畝東鄰陳建公西鄰李爾榮北至
坑南至街疑即其故址也但除現建節孝祠外俱屬民居
相沿已久

陰陽醫學舊志洪武年間知縣袁實建萬歷年間知縣何
允升又建在縣前左右今俱無

常平倉向在儀門外東首久廢今在小東門內康熙四十五年知縣梁世錦雍正十二年知縣李時憲乾隆十四年知縣楊喬俱有建置道光三十年知縣孔慶銓重修現有北廩七間東廩十一間內有四間坍塌西廩十一間門房三間倉神廟三間

義倉在夏庄橋

高阜鎮

節固店三處

每處倉房三間
看倉平房一間

門樓一座茲查舊卷已於乾隆二十四六等年坍塌無存

旌善申明亭舊志洪武年間知縣王藻建在縣前東西今

無

養濟院舊志洪武年間知縣李健設在城隍廟戲樓萬歷
年知縣王應設在戲樓後乾隆四年知縣李時憲改置大
街道西北瓦房八間外門一座今圯置地四十畝一段七畝一段
五畝一段五畝三分一段五畝一段三畝七分五釐
一段四畝二分一段五畝五分一段四畝二分五釐坐落
謝家莊

演武場在大西門外道北洪武年間知縣李健置地二十
一畝零

社倉舊志洪武年間知縣王藻建在四鎮並柴口村五處
今無

舖舍墩臺明洪武年間置縣前總舖城西十里柴村舖在南和境內城東十里下莊舖又東十里魏家舖以上俱本縣舖司又東十里田禾舖係廣宗舖司今改歸本縣

城鎮集期

在城集一三五七九日

常河鎮集二四八十日城東十八里

高阜鎮集一三六九日城東二十五里

三河鎮集一三六八日城東北二十五里

節固店集二五七十日城北二十五里

道口小集二四七九日城東十八里

田禾小集二五七九日城東四十里

馬魯小集二五七九日城東五十里

馬康小集自乾隆五十年移至北流渠二四七十日城

東北四十五里

油召小集二四六十日城北二十里

新庄小集一三五七九日城西北十二里

重義疇小集一三五七九日城西北四十里

鄉村

考小西門內元至正十一年碑記分崇教仁風善化太平四鄉按崇教即高阜鎮等村仁風即節固店鎮等村善化即常河鎮等村太平即三河鎮等村明永樂四年改編四鄉爲十三社曰善政崇教太平永豐賈村謂之北五社張村馬琰魏村馬庄寬恤宣化楊村宋村後增新民謂之南九社共十四社

順城五村

齊家庄 于柳庄 舊召村 崔家庄

焦家庄

附城十一村

南柴村

北柴村

麻頭寨

張辛寨

吉辛寨

穆辛寨

曾辛寨

張家庄

徐家庄

吉曹家庄

徐家橋

任縣路

孟家庄

郭家庄

王鐵庄

劉家庄

東西李卜

徐家庄

梨園寨

大老營

新庄

趙家新庄

上疇

秦家庄

林家庄

王家庄

杜科

來仲疇

張第二疇 史第二疇 田第二疇 孔第二疇

馬第二疇 鄒二庄 胡家庄 豆庄

下疇 南周章 北周章 尹家庄

李家庄 崔家庄 蕭庄 谷家營

田水井 王家庄 趙庄 黃家村

白家村 龐家庄 韓家辛庄 游家庄

小宋 姜家庄 無事村 後劉庄

重義疇 前張范 後張范 閆家庄

威縣路

柴口村

晁家庄

董家庄

王家庄

小張村

西閆庄

東閆庄

郭家橋

霍林寨

謝家庄

閆家屯

大張村

史家庄

周家庄

常家庄

常河鎮

艾村

閆家庄

趙村

中位

西位

東位

王家園

小時村

大里村

賈村

楊二庄

高阜鎮

董家庄

張家庄

路家庄

田付村

灣子村

東田固

姚家庄

馬マ琰シ

麟兒村

河固廟

西河固廟

董固村

袁家庄

陳家庄

鞏家庄

許家庄

張家庄

西舖上

何義村

廣宗路

橫頭村

袁橫頭

秦家庄

馬場

璩家庄

夏庄橋

東夏庄

北夏庄

程夏庄

王夏庄

張夏庄

閆夏庄

柴夏庄

謝家屯

新家屯

聶家屯

李家屯

張家屯

大劉家庄

苗劉家庄

邢劉家庄 寺頭 丁周天 鄭周天

李周天 段周天 徐周天 楊周天

后營兒 大時村 鋪上 五座樓

官庄 小閆家庄 姜家庄 魏家庄

徐河東 趙河東 大李河東 小李河東

田禾村 鄧家庄 蘇家庄 五里村

霍洪村 東田村 西田村 西河村

柴家庄 寶馮馬 許馮馬 張蘇馮馬

左馮馬 孟馮馬 李馮馬 黃里馬

梁里馬
王里馬
尹里馬
閆家庄

里村

鉅鹿路

亭西口
前馬庄
後馬庄
小王家庄

北田二庄
郝家庄
黃家庄
麥王庄

侯家庄
李家庄
范家庄
王柳家庄

徐田二庄
東田二庄
游召村
前游召

王楊村
李楊村
沈楊村
葛村

節固店
尹村橋
尹村
蕭家灣

西李家庄 北李家庄 田瓦庄 劉家屯

王固村 王家庄 尉家庄 三河鎮

郝村 東河村 王家橋 馬上屯

張老五庄 尋招 甄家營 凹裏村

北流渠 南流渠 王洪康 劉洪康

霍洪康 封洪康 小張家庄 武家庄

張家庄 大馬康 小馬康 李家屯

大宋村 馬魯集 馬馬魯 還馬魯

中馬魯 北馬魯

壇廟

城隍廟在縣署東北明洪武六年知縣王藻建正統二年知縣邱陵重修嘉靖二十七年知縣劉鎮增修大殿三楹東西廊各七楹前馬殿三楹大門二楹殿後寢宮三楹

本朝順治十七年知縣唐衍敬康熙元年知縣張應麟麟續修庚子年知縣張文煌乾隆九年知縣周連登俱重修道光二十一年知縣李渤重修

先農壇在大東門郭外迤北廟三楹農夫房一間有垣有

門籍田五畝一分雍正五年奉

旨勅建其廟房門垣久已傾圯無存

社稷壇在北門外迤西有壇地處窪下門垣俱廢計地六畝七分二釐三毫

山川風雲雷雨壇在南門外迤東有壇並門垣計地六畝八分三釐三毫今門垣久廢

邑厲壇在北門外迤西計地三畝九分一釐五毫以上三壇俱明洪武六年知縣王藻立

鄉厲壇十四所善政壇在縣城西北崇教壇在周天村西

太平壇在三河鎮北永寧壇在豆二庄南賈村壇在劉家庄北張村壇在張村西馬琰南壇在東馬琰村西馬琰北壇在東馬琰村南魏村壇在高阜鎮北寬恤壇在節固鎮西宣化壇在城西馬庄壇在亭西口北楊村壇在西馬琰東宋村壇在大宋村西後壇新民主社無壇俱永樂三年知縣白葵立今廢

土地祠在縣儀門東首同治四年重修

獄神廟在獄中

東馬神廟舊在縣大東門內萬歷十五年知縣路較移建

尊經閣後久圯道光三十年知縣孔慶鈺增修

西馬神廟在縣署西側同治四年知縣蘇性添置前廈三楹

忠義祠三間在學宮東首道光三十年知縣孔慶鈺重修
節孝祠三間在縣前西首道光三十年知縣孔慶鈺重修
八蜡祠舊在縣大門內萬歷十五年知縣路蛟移置福勝
寺東廟三楹有垣有門道光三十年知縣孔慶鈺改建
城隍廟西偏三楹有垣有門

劉猛將軍廟在小東門郭外廟三楹有垣有門同治二年

重修

玉皇廟在西北城上康熙元年知縣張應麟重建乾隆八年知縣苟系林重修道光二十年重修

關帝廟在學宮東南明萬曆十九年知縣路蛟改建於學宮西北有都御史南和朱正色廬江知縣邑人趙恒褒碑記雍正五年奉

旨追封三代載在祀典春秋設祭尙未建殿道光五年重修

火神廟在南部外明天啟元年知縣仇夢臺奉勅建立五年知縣陳烈增修

本朝康熙六年知縣張應麟重修嘉慶二十五年重修又於山門左右增修角門各一座同治二年重修

龍神廟在小東門郭外殿三楹有門有垣乾隆十四年知縣楊喬修葺同治二年重修

三皇廟在縣北舊趙村元大德十年達魯花赤濶帖木耳奉勅建

宗聖祠在縣西新寨村明嘉靖間訪宗聖後於江西吉安得名繼祖者立爲博士萬歷間平鄉生員繼登與博士爲伯仲行倣孔之曲阜衢州朱之婺源建甯請立祠焉

日祀上丁裔生世二人有給事唐山王鳳竹碑記

在城

福勝寺在縣北明永樂年建今圮

清涼寺在縣北宋天聖年建今廢

娘娘廟在縣城西北隅殿三楹有門有垣明嘉靖時建

財神廟在縣大門東南殿一楹明正德年建

元帝廟殿三楹有垣有門在北關外明懷宗年建

觀音堂在大東關外殿三楹有門有垣

本朝康熙年建

廣宗路

準提庵

在辛屯 本朝康熙年建

常樂寺

在寺頭村 明天統年建

普照寺

在田禾村 明隆慶年建

天宮廟

在馮馬村 明萬曆年建

興國寺

在豆馮馬村 元至元年建 不朝乾隆十五年僧祥光自山西奉聖寺迎舍利數顆藏之

觀音堂

在橫頭村 本朝順治年建 又段家周天一廟

娘娘廟

在夏庄橋 本朝乾隆年建

任縣路

白佛寺

在周章村明
宏治年建

關帝廟

在竇二庄明
萬歷年建

洪福寺

在下疇村明
天統年建

永興寺

在來仲疇明
嘉靖年建

福勝寺

在北柴村明
正統年建

娘娘廟

在辛庄本
朝康熙年建

鉅鹿路

石佛寺

在王固村明
永樂年建

五列縣志 卷三
華明寺

在馬康村明
宏治年建

福勝寺

在張范村明
崇禎年建

觀音堂

在洪康村
朝順治年建

玉皇廟

在馬庄橋
朝雍正年建

天齊廟

在楊村
朝雍正年建

娘娘廟

在西河村
朝康熙年建

威縣路

關帝廟

在常河鎮
朝康熙年建

增福廟

在高阜鎮
朝乾隆年建

本
本
本
本
本
本

河古廟

在河古村
朝康熙年
建本

觀音堂

在高阜鎮
朝康熙年
建本

在城坊

善人坊

天順八年
爲義民
羅朝儀
建

繩武坊

成化六年
爲鄉薦
徐泰建
咸豐元年
裔孫徐
希聖等
重修

世榮坊

成化十七年
爲史誼
建

鴻臚坊

正德十二年
爲雲憲
建

鵬搏坊

正德十二年
爲郭文
河建

天恩覃敷

奕世承恩

二坊崇禎四年爲郭時措郭捍城父子建

順德府王太尊講守城生祠萬歷十八年建

邑侯何公

允升

生祠

仇公

夢臺

生祠

江公

衍汶

生祠

李二公

慶銓

生祠

在城隍廟西

平鄉縣志卷三

地理下

平鄉縣知縣靈川蘇性禾村纂輯

教諭霸州吳曾榮泐生

參定

訓導常山呂有志荔菴

學校

學宮在縣治東偏地基址南北長一百一十九步二小尺

東西長五十一步一小尺

學前路窄不能容軌貢生王寅將地基捐施五尺東西十

四丈今稍寬

大成殿宋大中祥符間始建在縣治東南元季廢大觀元

年重修立大觀聖作碑在今戟門內左字多沒滅不可
讀元大德十一年立封宣聖碑在今戟門內右明洪武
七年知縣王藻因舊基就圯改建今地永樂三年知縣
白羹正統六年知縣邱陵重修成化三年知縣馮允中
改建拓三楹爲五楹宏治十六年知縣唐澤正德十五
年知縣丁懲懷宗二年知縣朱啟元皆重修嘉慶四年
知縣江淑渠重修道光三十年知縣孔慶銓重修

本朝額設歲修銀十兩每年於地糧內給發教官隨時補葺

東西廡各七間明正德二十六年按院傅鎮與知縣劉鎮

增修有碑記隆慶五年知縣陳九疇萬歷四年通判趙完九年知縣王應懷宗十年知縣江衍汶相繼修葺

本朝雍正九年知縣朱之璣乾隆四年知縣李時憲重修嘉慶四年知縣江淑渠重修道光三十年知縣孔慶鈺重修

大成門三間前後角門各一間順治十六年知縣唐衍敬

修康熙十一年教諭張鼎銓重修嘉慶四年知縣江淑渠重修道光三十年孔慶鈺重修門下新置鐘一鼓一

櫺星門三間明萬歷十四年知縣路蛟改建道光三十年

知縣孔慶銓重修易木爲石

泮池明正德二十六年知縣劉鎮鑿嘉慶四年知縣江淑
渠重浚道光三十年知縣孔慶銓重浚造橋

圍牆康熙五十八年知縣張文煌築嘉慶四年知縣江淑
渠築道光三十年孔慶銓砌牆

東西二坊順治十六年知縣唐衍敬建今廢

明倫堂在大成殿後明正德十五年知縣丁懋改建高三
仞有奇凡五間樹臥碑於東北隅

國朝雍正元年知縣趙道元重修手書白鹿洞條規於屏間

堂前東五間爲存心齋西五間爲養性齋俱知縣丁懋
修後圯東齋南東一間爲禮門西齋南西一間爲雲衢
亦知縣丁懋修乾隆十二年教諭鄭廣緒重修嘉慶四
年知縣江淑桀重修道光三十年知縣孔慶鈺重修改
存心養性齋各三間禮門一間雲衢門改爲義路門一
間

尊經閣五間在明倫堂後明萬歷十五年順德知府王守
誠捐貲知縣路蛟建

國朝順治十五年知縣蔣振周重修後圯道光三十年知縣

孔慶鈺重建易五間爲三間藏

欽頒書籍新置祭器皮其中

射圃在尊經閣東明懷宗八年知縣江衍汶建今廢

崇聖祠三間在文廟東南順治十年知縣陳天清康熙二
十八年知縣趙璧嘉慶四年知縣江淑桀俱重修道光
三十年知縣孔慶鈺重修

敬一亭舊在戟門外明嘉靖五年知縣捏經建二十六年
知縣劉鎮改建於啟聖祠南築高爲臺亭其上以樹敬
一箴後圯道光三十年知縣孔慶鈺重修

文昌閣重簷三間在文廟東南康熙二十七年知縣朱昌
運建乾隆五年知縣李時憲嘉慶四年知縣江淑渠道
光三十年知縣孔慶銑俱重修

奎樓一楹在學宮東南城上明萬歷五年知縣徐允升曾
建文峰塔後傾圮

國朝康熙五年知縣張應麟以平邑地勢平坦鮮崇巒秀拔
之奇文峯塔爲巽峯乾艮方皆有高閣輔之三方鼎峙
闕一不可遂恢擴舊基創建奎樓玲瓏四回乾隆八年
訓導陳勳捐貲率紳士重修之道光三十年知縣孔慶

鉅重修

名宦祠三間在大成門前東偏

鄉賢祠三間在大成門前西偏

二祠嘉慶四年知縣江淑桀重修道光三十年知縣孔

慶鉅重修

官廳三間在櫺星門左
神厨三間在櫺星門右道光三十年知縣孔慶鉅改建

教諭署在文廟東康熙六年改立社學後復爲署外

門一間廳三間書房三間後爲住宅乾隆十四年教

諭鄭廣緒增修道光三十年知縣孔慶鉅增修北房

三間兩耳房共四間東屋西屋各三間門一座

訓導署在教諭署後外門一間久廢廳三間後爲住房
道光三十年知縣孔慶銓增修北瓦房三間兩耳房各
一間東瓦房三間西瓦房三間門樓一座

儒學大門三間在櫺星門東乾隆十四年教諭鄭廣緒
補葺道光三十年知縣孔慶銓重修

照牆一座在大門外今廢

學額廩膳生員二十名增廣生員二十名原額科歲試
取進文生十五名歲試取進武生十二名同治四年知

縣蘇性因城工捐資援照捐助軍餉例詳請加廣學額
現蒙總督劉公據詳入奏奉

旨永加文武學額各一名

書院舊志名社學明洪武八年知縣李健立在城西外
廢萬歷二十九年知縣蔣廷儀改建在小專街懷宗八
年知縣江衍汶重建

本朝康熙初年裁教諭缺即以其宅立社學後復設教諭遂
移社學於縣署東乾隆四年知縣李時憲重葺捐膏火
地九十二畝七分六釐六毫嚴立課程有碑記今房屋

多圮學者無可棲止同治三年知縣蘇性創立月課在

署課士

地一在柴村前七畝三分四釐六毫一在橫頭村西南八畝一在吉家庄西四畝四分一在王

固岡二十一畝九分八釐六毫又地六畝三釐四毫一在艾村三十三畝一在馬庄九畝一在馬延三畝

城中義學一

同治四年知縣蘇性始以東馬王廟設學每年捐廉延師課讀

各鄉義學一在馬莊

舊設一在田禾 舊設乾隆十一年在

辛莊

雍正四年建

一在董家莊

舊設

一在張范村

學田三頃零九畝廩生分種

一在葛村正北地四十五畝又地二段十八畝一在

北周章村東北地五十六畝一在劉家屯村南地四十八畝又十四畝一在李楊村正南兩段東段六畝西段

十二畝又正南四段兩段六畝兩段八畝一在東田庄正北地二十四畝又在乞村西四畝一在來仲疇村西

南地三十六畝一在王家
楊村東地二段共十八畝

山川

按畿輔通志考定

滏河在城東七里發源於山西鼓山下泉源奮湧若釜
揚湯故名滏東行二里與黑龍洞水滙其源始大黑龍
洞即神鷹山也經磁州城東北又東流入邯鄲會渚沁
二河又東北經廣平府城南轉而東經曲周縣東又北
經雞澤縣東始流入平鄉界下抵任縣之邢家灣按滏
水至平邑已經上游疏引水力稍弱雖秔稻未宜而夾
岸畦園若干頃灌溉之利於斯普焉舊漳河在城東南

十五里新漳河在舊漳河東十五里按漳有二源清漳
出山西太原府平定州樂平縣沾嶺濁漳出山西潞安
府長子縣發鳩山至河南彰德府涉縣東南合流曰交
漳口經磁州廣平等處入平鄉境西位村至東北馬營
村入鉅鹿界數折至武邑縣東與滹沱會明成化十七
年東決自麟兒村至蘇家庄入廣宗界自是舊漳無水
考曲周縣東橋向係漳滏合流

本朝康熙二十三年漳河東徙三十三年復歸六月間仍循
東流自五十五年丙申水不至平而新漳無水惟上流

衝決水澇不常

落漠水在城西五里洛河分流也下合滄水

沙洛合流在縣西十里與南和雞澤接壤洛河源自武安縣西北三門山沙水出沙河縣經永年雞澤與洛水會考方輿紀要曰平鄉之境左舒而右縮洛河在境上沙河在境外沙洛合流在平鄉南和之間滄陽西堤起縣東南界循滄西岸北抵任縣界明正統二年知縣邱陵修

落漠東隄起縣西南界循落漠東岸北抵南和界正統

六年亦知縣邱陵修

宏治十五年諸河皆溢知縣唐澤請與曲周各沿新河
聯築長隄以障漳水吾隄成而曲周苟且塞命乃即其
側築斜隄屬於舊漳之左未幾曲隄果決水抵斜隄而
還名曰安東隄請與雞澤南和各修舊隄恐其或類曲
周乃於落漠東溢河西兩間起自東門莊經第二疇村
至重義疇橋斜築長隄以相聯而邑西無患名曰鎮西
隄二隄成而東西河固廟麟兒小寨四村置安東隄外
南北柴村麻頭寨東西新寨五村置鎮西隄外均免其

門頭修築軍需車馬等役永爲定例各有碑記

康熙三十九年

北征軍需知縣莫公免雍正八年西征軍需知縣朱公免乾隆十年修城知縣周公免乾隆十四年征勦大金川十五年聖駕巡幸中州知縣楊公免同治三年修城余循舊例分別減免

溢東隄舊越雞澤羅官營抵曲周五間房而止水發每自彼溢唐公乃躬詣其地而理喻之接築斜隄上屬於舊漳隄右而邑中無患名曰奠中隄

新漳河隄順治十二年修先是平鄉曲周各執已見舍

隄不修連年構訟總督李公親詣相度形勢曲在上游

平居窪下議修曲周順河隄曲修其六平修其四水不

至曲自不至平以後隄壞曲周自修如曲周再有異議則平鄉亦與修隄以保其境具題奉

古通行立碁在平廣隄三十六年邑令莫公修葺乾隆五十五年秋漲大發兩邑因復構訟會派兩縣會勘公同具詳其畧云殘缺之處照例修築其完好舊隄任平之民培厚不任加高會銜申詳訟仍不息順廣兩郡尊與雞

澤邑令俱照前諭令曲邑於順河斜堤外開溝以洩瀝水五十七年丁觀察親臨面諭平鄉修橫堤曲周於堤南挖溝隄長三千三百二十步高二丈頂二丈底三丈

事詳安東堤碑記碑在高阜鎮

夏莊橋還河口北岸順治十七年修夏莊處河口南地
高亢居屋之脊河口以北夾大小河居者田莊楊村節
固二十餘村當其下每流一溢則建瓴之勢一方爲沼
而河口北岸實爲保障河口寬丈餘其深入地過之岸
高三尺許庚子大水衆謀葺治而夏莊凭高自固時府
憲郭公礎諭以利害捐俸錢十千經歷沈督修邑生員
劉本原記於石

新漳河西岸康熙四年築時鉅鹿於賈莊前私築橫堤

平邑受害知縣張應麟捐俸銀五兩買鹽商薛進武地
五畝築堤

湓河橋曰張家橋堤西橋夏莊橋馬莊橋游召橋田莊
橋尹村橋舊莊橋重義疇橋今張家橋久廢添建徐家
橋在夏莊橋之南漳河橋曰麟兒橋河古廟橋董固橋
范家橋鄧家橋蘇家橋

落漠橋係乾隆十二年知縣徐宗淮修董事生員曾俊
英

文明閘在堤西橋南明萬歷六年知縣何允升夏一儒

建開渠引水由東南隅入城河澆地十餘頃

國朝雍正元年知縣趙道元重修董成督工生員張冲斗復興闢在張家橋西乾隆十二年前漢陽守署縣事陳文言重修規模已就尙未得實濟自知縣楊喬到任命董事生員張普禧築岸疏渠始得灌溉之利併泐規條以垂永遠

利民閘六座明萬歷三十年知縣蔣廷儀建一橫頭村東一馬莊橋南一尹村橋北一游召橋南一堤西橋北一夏莊橋北今廢雍正三年趙道元重修霍林寨三村

助石若干永免車牛騾馬沙堤等役有碑記厥後沿河諸村開鑿尤多今自上而下臚列於後

柴口村東復興閘

在河西

堤西橋南文明閘

在河西

霍林寨小張村閘

在河東

徐家橋閘

在河西

橫頭村閘

在河西

樂利閘

在河西

前馬莊廣濟閘

在河南

後馬莊普濟閘

在河西

郝劉莊王劉莊杜科辛莊來仲疇

益民閘

在河西

徐田莊豐潤閘

在河西

謝家屯閘

在河東

大劉莊閘

在河東

東田莊南足民閘

在河東

東田莊阜民閘

在河東

大游召廣潤閘

在河西

李楊村南三益閘

在河東

李楊村北公利閘

在河東

尹村橋石門閘

在河西

竇莊閘

在河北

李家莊閘

在河西

南周章閘

在河北

鄒二莊閘

在河西

重義疇西南三益閘

在河東

重義疇西廣濟閘

在河東

重義疇南祥瑞閘

在河北

胡家莊溥利閘

在河南

趙莊閘

在河東

龐家莊閘

在河東

古蹟

十條

慶陶故城

相傳即南緣故城漢桓帝時改置在今縣東十五里艾村往往侵晨霧露中望之隱若雉堞其

址微存

鉅鹿舊城

通志云在平鄉縣即今縣治漢置縣爲鉅鹿郡治舊唐書地理志云平鄉漢鉅鹿郡故城在今

縣北十

大老營舊城

在平鄉縣西北六里四門磚礫土塚畧存

沙邱平臺

紂八祀築沙邱苑臺周赧王二十二歲趙主父築宮公子成弑之於此趙世家註在縣東北二十五里一統志在縣東北三十里太平鄉始皇崩於沙邱平臺即此按今縣東北有王固岡岡形尙存或皇故訛王固耳又舊志云在縣南五里蓋南北連延數十里總謂沙邱

枯澤渠

舊傳信都有枯澤渠今縣東北流渠村或傳夜聞水聲疑即此也

封爵觀

項羽救鉅鹿大破秦師還行封爵賞築觀於此其址莫考

衛靈公墓

舊志云縣南柴口村前相傳地裂見石門題曰衛靈公墓中有綠水溢出寒氣逼人不可入考

時苗墓

在縣東北二十里官庄前時苗字德胄邑人漢末

黃特車特生一犢謂父老曰是爾士所生非

我有也留之歸屏居太平鄉今時村其後也

羅士信墓

在縣東周天村舊志云羅誠字士信從隱太子

征劉黑闥戰於周西坡淤泥河按綱目征黑闥

於洛水是秦王事至隱太子攻黑闥於昌樂已

無士信舊志誤也今據通志改正士信歷城

人唐高祖初封鄴國公從秦王擊劉黑闥於洛

水上得一城語諸將孰能守此士信曰願以死

守乃命之賊悉衆來攻雨雪八日救兵不進城陷不屈而死謚曰勇入名宦中

金雀王墓

在城東北二十里孤冢巍然史稱周太祖葬邢州又太祖項上有瘞如雀形微時人呼爲郭雀兒。按五代史周太祖本紀帝崩年五十一葬嵩陵又通鑑綱目周世宗攻晉陽不克下分注至鄭州謁嵩陵而還是陵固在鄭州也舊志葬邢州之說不知本於何史似失考據又五代史溫韜傳論周太祖使葬其平生所服袞冕通天冠絳紗袍各二其一於京師其一於澶州又葬其劍甲各二其一於河中其一於大名是帝雖有數墓俱非邢州境即與平鄉無涉豈帝彷彿魏武之意多爲疑塚史有不及備載者歟抑此係他人之墓字音訛傳而好事者附會其說歟幾輔通志記陵墓而刪此考之詳矣

附記八景

西池秋漲

環城有池其地勢則西北窪下每逢溢河秋水方盛開渠引水入池以爲終年瀦積迨周遭水

勢稍平而西門橋以北池水漲溢直抵護城西堤渟泓數頃浴鳧飛鷺出没其間旁有蘆荻林立而垂綸舉網之儔時相來往宛然水鄉風景也

北閣遠山

北城建有玉皇閣藉培風水所謂乾峯者是也當天氣清明煙消霧淨人躋城頭遠見太行諸山送青百里之外而層巒疊翠橫亘遙空真令人心目開爽遊者因生奢願每謂當於閣之上層別開西北兩窗庶窮目力而盡勝槩云

奎樓晚霞

奎樓建於東城上奉奎星四面玲瓏崔巍佳麗聳拔雲端而峙於學宮之南謂之巽峯爲一邑文風攸係時值日落霞蒸彩映奎躔輝聯樓檻於此登眺迎眸絢爛則人文蔚起之兆可即此占之

漢城晨霧

邑東十五里有艾村相傳漢桓帝時改置南絲城於此今其遺址微存侵晨望之時有霧氣環

繞現爲雉堞之形隱若堅城迨日出始散俗傳
古城廢垣恒有此異或謂之城魄或謂之城魂
其說皆出附會而虛無縹緲之景象

更得之於衆目共觀亦一奇也

沙邱樹色

沙邱臺舊傳在邑東北三十里即今王固岡環
岡數里外棗杏成林其經老樹復有椿槐之屬
干霄蔽日登岡四望鬱鬱葱葱時屆清秋涼風
晚發聲來樹間因誦太白沙邱城下詩云城邊
有古樹日夕連秋聲依稀於此遇之

溢岸柳陰

溢河綿亘境內自郭家橋而下夾岸種柳護堤
綠堤二三十里柳樹交枝接葉連續不斷五六
月間碧幹參天綠陰滿地人遊其中祇聞嚙嚙
蟬聲時隨清風而至幾不知有赤日當空沿堤
徐行有如入武陵源竟忘路之遠近

枯澤夜濤

枯澤渠舊傳在信都似距邑境稍遠然當日澤
水從南而北所經自非一處今邑東北四十里

有流渠村其村四無溪澗而夜恒聞水聲流渠
以此得名論者因即指爲枯涸渠舊蹟謂其地
下有水伏流夜靜因
之間聲理或然也

長堤春草

邑有安東鎮西奠中諸堤各綿延數十里城外
里許又有護城堤周圍約計十里俱係築自前
明以防水患每當春風扇和時緣堤百草叢生
而託根得地馬蹄莫踏屐齒莫經以故蒙茸之
盛匝地連天殊令遊
春者爲之流連不置